



14. august 2009

EM 2009/25

Inatsisartut suleriaasianni § 32 naapertorlugu matumuuna aalajangiiffigisassatut siunnersuummik imaattumik saqqummiussissaanga:

**Kalaallit Nunaanni inuiaqatigiit ilusilersugaanerata misissoqqissaarnissaanut  
suleqatigiissitaliamik pilersitsisoqarnissaa pillugu Inatsisartut aaliangiiffigisassatut  
siunnersuut, taamaalilluni ataqtigiiissumik politikkikkut ilusilersuinermut iliuusissamik  
pileraarusiornissamik pilersitsisoqarnerussammat, imminut napatittumik aningaasaqarneq  
aqqutigalugu politikkikkut namminersulersinnaanissaq anguniarlugu.**

(Inatsisartunut ilaasortaq Niels Thomsen, Demokraatit)

### **Tunngavilersuut**

Ullumikkut Kalaallit Nunaanni inuiaqatigiit aaqqissuussaanerat Demokraatit iluarinngilaat. Tunngaviusunik allannguerusupput, taamaalilluni nunarput nuannersoq arriitsumik namminersulivinnissaminut ineriartortinnejarnernussammat. Tunngaviusunik allannguinissat eqqarsaatiglluakkamik peqqissaarussamillu suliarineqarnissaat pisariaqarput. Kukkunerulluinnaassaaq allannguニアニアナルルニ allannguisoqassappat. Allannguinerit eqqarsaatiglluagaassapput pilersaarummillu malitaqarlutik. Taamaattumik Demokraatit isumaqarput alloriarneq siulleq tassaassasoq suleqatigiissitaliamik pilersitsinissaq, Kalaallit Nunaanni inuiaqatigiit aaqqissuussaanerannik misissueqqissaartussamik, ataqtigiiissumik politikkikkut ilusilersuinermut iliuusissamik pileraarusiornissamut tunngavissatut atugassamik.

Demokraatit isumaqarput iliuusissamik pilersaarutip anguniagarissaga Kalaallit Nunaata nunarsuarmut tamarmut akuulernissaa, tassani tuniniaqatigiinneq eqqarsaatigalugu killilersugaanngitsumik tuniniaanermi akit tuniniakkat piumaneqassusaat malillugit aalajangerneqartumut. Tassunga atatillugu pingaarluinnarpoq Kalaallit Nunaata nunarsuarmut tamarmut tuniniaaqateqartarnissaata pitsangorsarneqarnissaat pillugu pissutsit ersarissarnejarnissaat, Kalaallit Nunaata aningaasaqarneranut innuttaasunullu tamanut aamma iluaquutasussamik. Uani ersarissartariaqarpoq, siunissami atugarissaarnissap qaffasissusissaanut pingaarluinnarmat aningaasaqarnerup ineriartornerata salliutinneqarnissaat, tunisassiorneq pillugu paasisassarsiorneq aqqutigalugu. Aningaasaqarnerup ineriartortinnejarnissaanut atugassarititaasunik pitsaasunik pilersitsinngikkutta atugarissaarnissap pitsangorsarnejarnissaanut piviusunngortitsinissatsinnut periarfissaqanngilagut. Atugarissaarnissaq ujartorneqartoq aningasanik naleqarpoq, inuiaqatigiillu sulinerulerneratigut aningaasalersorneqassalluni.

Unammillersinnaalluarnissatsinnut pissutsit pingaaruteqartut ataani allattukkaniittut tamakkiisuunngikkaluarput:

- Ilinniartitaaneq.
- Pisortat ingerlataqarfisa naalagaanerisalu annertussusaat siammasissumik eqqarsaatigalugit, suliffeqarfinnik namminersortut aktiaateqarlutik pigisaasa privatinut tunineqarnissaannut iliuusissanik ujarlernissaq.

- Suliffeqarfinniit isertitakittuniit suliffeqarfinnut ineriarfiusunut, suliffeqarfiiit tulluarsarneqarnissaat
- Suliffeqarfissatut periarfissat aallaavigalugit pissusissamisoortumik ineriarfiusinnaasut.
- Nikilertortarneq.
- Inissanik utaqqisoqarfifunerpaaani sanaartornerujussuaq.
- Atassuteqaasersuutit erngullu nukinganik nukissiorfiit.

Suleqatigiissitaliassap takorloorneqartup eqqarsaasersuutimini ilannguttariaqagaanut ilaasinnaasut taamaalillunga taakkartulaarpakka. Sulinerup siunertarissavaa, nunatta nutaaliaalluni aningaasarissaarlunilu inisisimalernissaanut aallartisagassat suunerisa ersarissarneqarnissaat, aningaasaqarnermut, isumaginninnermut kultureqarnermullu tunngasut pingaartinneqarlutik.

Taamatut oqaaseqarlunga Naalakkersuisut akissuteqaatissaat partiillu allat ilanngutassaat qilanaaraakka.